

Općinski sud u Cazinu, sudija Belma Nuhanović – Kapić, u izvršnoj stvari **tražioca izvršenja** „Lucky Trade“ doo Cazin, koga zastupa punomoćnik Jadranka Lojić, advokat iz Cazina, protiv **izvršenika** Sadik Hodžić sin Husnije, Puškari bb, Cazin, **radi** naplate novčanog potraživanja u iznosu od 1.788,00 KM sa sporednim potraživanjima izvršenjem na nekretninama izvršenika, van ročišta dana 20.09.2021. godine donio je:

Z A K L J U Č A K

ODREĐUJE SE DRUGO (II) ročište za prodaju predmetne nekretnine i to nekretnine označene kao:

- *k.č. broj 663/47, zvana "Urga", njiva 4. klase ,površine 286 m², upisana u Zk. uložak broj 749 k.o. SP_Cazin,*

USMENIM JAVNIM NADMETANJEM na dan **srijeda, 20.10.2021. godine sa početkom u 12,00 sati.**

Ročište će se održati u Općinskom sudu Cazin, sudnica – kancelarija broj 18.

Nekretnina iz stava 1 ovog zaključka, je suvlasništvo izvršenika Hodžić Sadika sina Husnije, na kojoj su suvlasnički dio izvršenika iznosi 37/120.

UTVRĐUJE SE vrijednost predmetne nekretnine u iznosu od **17.160,00 KM.**

Vrijednost naprijed navedene nekretnine je utvrđena od strane stalnog sudskog vještaka Perviz Mehire iz Bihaća.

Nekretnina na drugom ročištu za prodaju ne može prodati ispod **jedne trećine (1/3)** utvrđene vrijednosti, što u konkretnom slučaju **5.720,00 KM** što će biti početna cijena ispod koje se ponude neće razmatrati.

Porez na promet nekretnine plaća kupac, a kao osnovica poreza uzima se visina prodajne cijene.

Kupac je dužan položiti prodajnu cijenu u roku koji odredi sud, a koji ne može biti duži od 30 dana od dana objavljivanja zaključka o prodaji nepokretnosti najpovoljnijem ponuđaču.

Na ročištu za javno nadmetanja mogu učestvovati osobe koje su **POLOŽILE OSIGURANJE** u iznosu od **1.716,00 KM.** Ponuđačima čija ponuda ne bude prihvaćena, osim za tri najpovoljnija ponuđača, osiguranje će se vratiti odmah nakon zaključenog javnog nadmetanja.

Ponuđači su dužni najkasnije na dan održavanja ročišta 20.09.2021. godine predati dokaz u pisarnicu suda (kancelarija broj 7), pozivom na broj predmeta, da su osiguranje uplatili na depozitni račun ovog suda broj **198-201-205-000-1187** kod KIB banke dd, Poslovnica Cazin.

Kao kupci se mogu prijaviti strana fizička lica koja su stalno nastanjena u F BiH uz dokaz o tome.

Kao kupci se mogu prijaviti strana fizička lica iz jedne države nasljednica bivše SFRJ pod uslovom reciprociteta, tj. da država čiji su državljani dozvoljava državljanima BiH da stiču pravo vlasništva na nekretninama na njihovom teritoriju.

Kao kupci se mogu prijaviti i strani ulagači iz jedne od država nasljednica bivše SFRJ pod uvjetom načela reciprociteta i ukoliko ispunjavaju uslove iz Zakona o politici direktnog stranog ulaganja uz dokaze o tome.

Ovaj zaključak o prodaji objavit će se na oglasnoj tabli suda, a ovlašćuju se tražilac izvršenja i izvršenik da zaključak o svom trošku mogu objaviti i putem sredstava javnog informisanja.

Ovaj zaključak o prodaji smatra se pozivom na ročište koje će se održati u Općinskom sudu Cazin, u sudnici – kancelariji broj 18, USMENIM JAVNIM NADMETANJEM na dan srijeda, 20.10.2021. godine sa početkom u 12,00 sati.

S U D I J A

Belma Nuhanović – Kapić

POUKA O PRAVNOM LIJEKU:

Protiv ovog zaključka prigovor i žalba nisu dopušteni.